

Član 4. (Obračunska snaga)

Obračunska snaga iznosi 5 kW za tarifne grupe kupaca iz kategorija potrošnje na 0,4 kV kod kojih se obračunska snaga ne utvrđuje mjerenjem (2. i 3. tarifna grupa iz kategorije ostala potrošnja, 1. i 2. tarifna grupa iz kategorije domaćinstva).

Član 5.

(Tarifni stavovi prema sezonama i dobu dana)

- (1) Tarifni stavovi za aktivnu energiju primjenjuju se prema sezoni, i to:
- u višoj sezoni (VS) od 1. oktobra do 31. marta,
 - u nižoj sezoni (NS) od 1. aprila do 30. septembra.
- (2) Tarifni stavovi za aktivnu energiju primjenjuju se prema dobu dana, i to:
- veći dnevni tarifni stavovi (VT) od 6 do 22 sata tokom zimskog računanja vremena, odnosno od 7 do 23 sata tokom ljetnog računanja vremena,
 - manji dnevni tarifni stavovi (MT) od 22 do 6 sati tokom zimskog računanja vremena, odnosno od 23 do 7 sati tokom ljetnog računanja vremena.
- (3) Izuzetno od stava (2) ovog člana, za kategoriju potrošnje domaćinstva tarifni stavovi za aktivnu energiju primjenjuju se prema dobu dana, i to:
- veći dnevni tarifni stavovi (VT) od 7 do 13 sati i od 16 do 22 sata tokom zimskog računanja vremena, odnosno od 8 do 14 sati i od 17 do 23 sata tokom ljetnog računanja vremena,
 - manji dnevni tarifni stavovi (MT) od 13 do 16 sati i od 22 do 7 sati tokom zimskog računanja vremena, odnosno od 14 do 17 sati i od 23 do 8 sati tokom ljetnog računanja vremena, te nedjeljom.

Član 6.

(Obaveza objave tarifnih stavova)

Javno preduzeće za komunalne djelatnosti "Komunalno Brčko" d.o.o., Brčko, dužno je na odgovarajući način objaviti tarifne stavove i relevantne odredbe ove odluke, te ih učiniti dostupnim svim kupcima na području Brčko Distrikta BiH.

Član 7.

(Završne odredbe)

- (1) Ova odluka stupa na snagu danom donošenja, a primjenjuje se od 1. januara 2018. godine.
- (2) Dispozitiv odluke objavljuje se u "Službenom glasniku BiH" i službenom glasilu Brčko Distrikta BiH.

Broj: 04-28-5-310-21/17
27. decembra 2017. godine
Tuzla

Predsjedavajući Komisije
Nikola Pejić, s. r.

14

Upravni odbor Fonda zdravstvenog osiguranja Brčko distrikta BiH, na osnovu člana 13 stava 1 tačke f) Statuta Fonda zdravstvenog osiguranja Brčko distrikta BiH (Službeni glasnik Brčko distrikta BiH, brojevi: 17/07, 1/08, 3/15, 7/15, 41/16 i 42/17) i člana 37 stava 3 Zakona o zdravstvenom osiguranju Brčko distrikta BiH (Službeni glasnik Brčko distrikta BiH, brojevi: 1/02, 7/02, 19/07, 2/08 i 34/08), na 11. redovnoj sjednici, održanoj 11. 12. 2017. godine, donosi

ODLUKU

O NAJVIŠEM I NAJNIŽEM IZNOSU NAKNADE PLATE

Član 1

Ovom odlukom utvrđuje se najviši i najniži iznos naknade plate zbog privremene sprječivosti za rad osiguranika Fonda zdravstvenog osiguranja Brčko distrikta BiH preko 42 dana, za 2018. godinu.

Član 2

Najviši iznos naknade plate koju Fond zdravstvenog osiguranja Brčko distrikta BiH refundira poslodavcu za svakog

zaposlenika, za vrijeme privremene sprječivosti za rad, preko 42 dana, utvrđuje se u iznosu od 1.000,00 KM.

Član 3

Najniži iznos naknade plate utvrđuje se u visini minimalne plate za mjesec za koji se naknada obračunava prema propisima entiteta koji se primjenjuju u 2018. godini.

Član 4

Iznosi utvrđeni ovom odlukom su parametri za obračunavanje novčanih naknada u skladu s poglavljem b) Novčane naknade (članovi od 32 do 39) Zakona o zdravstvenom osiguranju Brčko distrikta BiH.

Član 5

Ova odluka stupa na snagu danom donošenja i objavljuje se u Službenom glasniku Brčko distrikta BiH.

Broj: 015-180/7-UO-124/17
Brčko, 11. 12. 2017. godine

PREDsjedNIK
UPRAVNOG ODBORA
Dr. sci. Zoran Tošić, s. r.

15

Upravni odbor Fonda zdravstvenog osiguranja Brčko distrikta BiH na osnovu člana 32 stava 2 tački a) i h) i 35 Statuta Fonda zdravstvenog osiguranja Brčko distrikta BiH (Službeni glasnik Brčko distrikta BiH, brojevi: 17/07, 1/08, 3/15, 7/15, 41/16 i 42/17) na 12. redovnoj sjednici, održanoj 27. 12. 2017. godine, donosi

ODLUKU

O USVAJANJU ODLUKE O UTVRĐIVANJU ESENCIJALNE LISTE LIJEKOVA ZA POTREBE OSIGURANIH LICA FONDA ZDRAVSTVENOG OSIGURANJA BRČKO DISTRIKTA BiH

Član 1

Usvaja se Odluka o utvrđivanju Esencijalne liste lijekova za potrebe osiguranih lica Fonda zdravstvenog osiguranja Brčko distrikta BiH, broj: 015-180/7-UO-134/17 od 27. 12. 2017. godine.

Član 2

Odluka o utvrđivanju Esencijalne liste lijekova za potrebe osiguranih lica Fonda zdravstvenog osiguranja Brčko distrikta BiH, broj: 015-180/7-UO-134/17 od 27. 12. 2017. godine će se objaviti na službenoj internet stranici Fonda zdravstvenog osiguranja Brčko distrikta BiH.

Član 3

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 015-180/7-UO-138/17
Brčko, 27. 12. 2017. godine

PREDsjedNIK
UPRAVNOG ODBORA
Dr. sci. Zoran Tošić, s. r.

16

Upravni odbor Fonda zdravstvenog osiguranja Brčko distrikta BiH na osnovu člana 13 stava 1 tačke f) u vezi s tačkom h) Statuta Fonda zdravstvenog osiguranja Brčko distrikta BiH (Službeni glasnik Brčko distrikta BiH, brojevi: 17/07, 01/08, 03/15, 07/15, 41/16 i 42/17), u skladu s članom 21 stavom 2 tačkom f) Zakona o zdravstvenom osiguranju Brčko distrikta BiH (Službeni glasnik Brčko distrikta BiH, brojevi: 01/02, 07/02, 19/07, 02/08 i 34/08), članovima 27 i 29 Odluke o utvrđivanju osnovnog paketa zdravstvenih usluga iz obaveznog zdravstvenog osiguranja (Službeni glasnik Brčko distrikta BiH broj 33/12) i Pravilnikom o načinu kontrole cijena, načinu oblikovanja cijena lijekova i načinu izvještavanja o cijenama lijekova u Bosni i Hercegovini (Službeni glasnik BiH broj 03/17), na 12. redovnoj sjednici, održanoj 27. 12. 2017. godine, donosi

**ODLUKU
O IZMJENI I DOPUNI ODLUKE O METODOLOGIJI
UTVRĐIVANJA REFERALNIH CIJENA LIJEKOVA
UTVRĐENIH ESENCIJALNOM LISTOM LIJEKOVA ZA
POTREBE OSIGURANIH LICA FONDA ZDRAVSTVENOG
OSIGURANJA BRČKO DISTRIKTA BiH DO OKONČANJA
POSTUPKA JAVNIH NABAVKI U SKLADU SA
ZAKONOM O JAVNIM NABAVKAMA BOSNE I
HERCEGOVINE**

Član 1

(1) U Odluci o metodologiji utvrđivanja referalnih cijena lijekova utvrđenih Esencijalnom listom lijekova za potrebe osiguranih lica Fonda zdravstvenog osiguranja Brčko distrikta BiH do okončanja postupka javnih nabavki u skladu sa Zakonom o javnim nabavkama Bosne i Hercegovine, broj: 015-180/7-76/11 od 20. 10. 2011. godine, broj: 015-180/7-76/11-1 od 16. 11. 2011. godine, broj: 015-180/7-76/11-2 od 23. 03. 2017. godine i broj: 015-180/7-76/11-3 od 23. 06. 2017. godine u članu 2 iza stava 2 dodaje se novi stav 3 koji glasi:

„(3) Ukoliko se određeni lijek nalazi samo na jednoj od pozitivnih listi lijekova iz stavova 1 i 2 ovog člana, kriterij za određivanje referalne cijene je niža uporedna cijena lijeka s pozitivne liste lijekova na kojoj se taj lijek nalazi i maksimalna veleprodajna cijena istog lijeka utvrđena i objavljena od strane Agencije za lijekove i medicinska sredstva BiH u Godišnjem izračunu maksimalnih veleprodajnih cijena lijekova za tržište BiH.“.

(2) Dosadašnji stavovi 3 i 4 postaju stavovi 4 i 5.

Član 2

Ova odluka stupa na snagu danom donošenja i objavljuje se u Službenom glasniku Brčko distrikta BiH.

Broj: 015-180/7-76/11-4
Brčko, 27. 12. 2017. godine

**PREDSJEDNIK
UPRAVNOG ODBORA
Dr. sci. Zoran Tošić, s. r.**

17

Konkurencijsko vijeće, na osnovu člana 25. stav (1) tačka e), člana 42. stav (2) Zakona o konkurenciji («Službeni glasnik BiH», br. 48/05, 76/07 i 80/09), člana 122. stav (2) Zakona o upravnom postupku («Službeni glasnik BiH», br. 29/02, 12/04, 88/07, 93/09, 41/13 i 40/16), u postupku pokrenutom Zaključkom o pokretanju postupka broj: UP - 06-26-3-014-9-II/17 dana 11.10.2017. godine donesenom po Zahtjevu za pokretanje postupka privrednog subjekta Ekopak – Društvo za postupanje ambalažnim otpadom d.o.o. Sarajevo, putem advokata Samira Čengića, Prušćakova br 14, 71 000 Sarajevo, protiv Federalnog ministarstva okoliša i turizma, Marka Marulića 2, Sarajevo 71000, radi donošenja Pravilnika o izmjenama i dopunama Pravilnika o upravljanju amabalažom i amabalažnim otpadom („Službene novine FBiH“ broj 103/16), u smislu člana 4. stav (1) pod b), d) i e) Zakona o konkurenciji, na 14. (četnaestoj) sjednici održanoj dana 30.11.2017. godine, je donijelo

ZAKLJUČAK

- (1) Obustavlja se postupak.
- (2) Ovaj Zaključak bit će objavljen u Službenom glasniku BiH, službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće je dana 23.06.2017. godine zaprimilo Zahtjev za pokretanje postupka broj: UP- 06-26-3-014-1-II/17 (u daljem tekstu: Zahtjev) podnesen od strane privrednog subjekta Ekopak – Društvo za postupanje ambalažnim otpadom d.o.o. Sarajevo (u daljem tekstu: Podnosilac zahtjeva ili Ekopak), putem advokata Samira Čengića, Prušćakova br 14, 71 000 Sarajevo, Bosna i Hercegovina, protiv Federalnog ministarstva okoliša i turizma, Marka Marulića 2, Sarajevo 71000 (u daljem

tekstu: Protivna strana ili Ministarstvo), radi donošenja Pravilnika o izmjenama i dopunama Pravilnika o upravljanju amabalažom i amabalažnim otpadom („Službene novine FBiH“ broj 103/16) (u daljem tekstu: Pravilnik), u smislu člana 4. stav (1) pod b), d) i e) Zakona o konkurenciji («Službeni glasnik BiH», br. 48/05, 76/07 i 80/09) (u daljem tekstu: Zakon).

Nakon uvida u dostavljenu dokumentaciju, Konkurencijsko vijeće je utvrdilo da je ista nije potpuna i kompletna, u smislu člana 28. stav (2) Zakona.

Konkurencijsko vijeće je tako dana 24.07.2017. godine pod brojem: UP - 06-26-3-014-2-II/17 i dana 04.08.2017. godine pod brojem: UP - 06-26-3-014-3-II/17 uputilo Zahtjev za dopunom predmetnog Zahtjeva. Urgencija za dostavljanjem podataka upućena je dana 04.09. 2017. godine pod brojem: UP - 06-26-3-014-4-II/17.

Podnosilac zahtjeva je traženo dostavio dana 12.09.2017. godine podneskom zaprimljenim pod brojem: 06-26-3-014-5-II/17 i podneskom broj: pod brojem: UP - 06-26-3-014-6-II/17.

Nakon kompletiranja Zahtjeva, Konkurencijsko vijeće je dana 10.10.2017. godine (akt broj: UP - 06-26-3-014-7-II/17) Podnosiocu zahtjeva izdalo Potvrdu o prijemu kompletnog i urednog Zahtjeva, u smislu člana 28. stav (3) Zakona.

S obzirom da je Konkurencijsko vijeće ocijenilo da nije moguće bez provedenog postupka utvrditi postojanje povrede Zakona o konkurenciji na koje Podnosilac zahtjeva ukazuje, donio je Zaključak o pokretanju postupka, broj: UP - 06-26-3-014-9-II/17 dana 11.10.2017. godine. Istog dana Zaključak je dostavljen Podnosiocu zahtjeva u prilogu akta broj: UP - 06-26-3-014-13-II/17 i Ministarstvu u prilogu akta broj: UP - 06-26-3-014-14-II/17.

Ministrastvo je dana 01.11.2017. godine Konkurencijskom vijeću dostavilo odgovor na pokrenuti Zaključak podneskom broj: UP - 06-26-3-014-15-II/17.

Advokat Samir Čengić, punomoćnik privrednog subjekta Ekopak, je dana 07.11.2017. godine obavijestio Konkurencijsko vijeće da privredni subjekt Ekopak povlači Zahtjev za pokretanje postupka, obzirom da je dana 25.10.2017. godine Ministarstvo donijelo Pravilnik o izmjenama i dopunama Pravilnika o upravljanju ambalažom i ambalažnim otpadom („Službene novine FBiH“, br. 84/17) kojim je izmjenjen sporni član 15. stav 8. Pravilnika, a zbog čega je predmetni Zahtjev i podnesen.

U skladu sa članom 122. stav (1) Zakona o upravnom postupku, stranka može odustati od svog zahtjeva u toku cijelog postupka. Takođe, članom 123. stav (1) Zakona o upravnom postupku je određeno da stranka može odustati od svog zahtjeva podnošenjem pismene izjave organu koji vodi postupak.

Na osnovu navedenoga, a u vezi sa članom 122. stav (1) Zakona o upravnom postupku, Konkurencijsko vijeće je odlučilo kao u dispozitivu ovog Zaključka.

Administrativna taksa

Na ovaj Zaključak Podnosilac zahtjeva, u skladu sa članom 2. Tarfini broj 108. stav (1) tačka b) Odluke o visini administrativnih taksi u vezi sa procesnim radnjama pred Konkurencijskim vijećem («Službeni glasnik BiH», br. 30/06 i 18/11) je obavezan platiti administrativnu taksu u iznosu od 500,00 KM u korist Budžeta institucija Bosne i Hercegovine.

Pouka o pravnom lijeku

Protiv ovog Zaključka nije dopuštena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovog Zaključka.